

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Bulla Pij V. & de vsu Breuiarij Romani. II.

urn:nbn:de:hbz:466:1-40233

14 Comment. in Rubr. Breuiarij. Sect. II. Cap. I.

2 Significat autem Compendium, siue Summarium & concisum opus, ex Plinio lib. 18. cap. 26. & Sueton. in Augusto cap. vlt. item Indicem, ut in 2. Concil. Tom. titulus cuiusdam operis extat: Breuiarium causa Neftorianorum, &c. quæ optimè conuenient Breuiario Ecclesiastico, quod, ut ait Lessius de Justitia & Iure, de Denot. & orat. dub. 8. admirabile est mysteriorum sacræ Scripturæ compendium: continet enim Psalmos, in quibus per modum laudis omnia mysteria clauduntur, tum selectissima quæque veteris & noui Testamenti, tum Patrum monumenta nobiliora, tum præcipua Sanctorum gestæ, breves denique Orationes seu Collectas à Summis Pontificibus ut plurimum compositas, & indicat quotidie quæ preces adhibenda. Romanum dicitur, quia preces continent iuxta ritus sanctæ Romanæ Ecclesiæ.

3 Usus tamen Breuiarij, quocumque nomine vocaretur, non fuit ante Lectionarium sancti Hieronymi, inquit Cornelius loco citato, & ex dictis magis patebit. Haymo, Generalis Minister Ordinis Minorū S. Francisci, sub Gregorio IX. anno 1241. ut ex eiusdem Bulla patet, Breuiarium Romanum cum Missali reformauit; & est illud ferè idem quo nunc utimur, ex Radulpho Propos. 17. lege VVaddingum in Annal. Min. anno 1244. qui tamen Radulphus quam maximè dolet, fuisse receptum à Nicolao III. ad usum communem, propter multitudinem Festorum in eodem Breuiario, cum diminutione ferialis Officij.

4 Restitutum dicitur Decreto Concilij Tridentini Sess. 25. in fine, ut intelligas non esse nouum; editum autem à Pio V. & recognitum à Cle-

mente VIII. & Urbano VIII. ea prorsus ratione quæ in Bullis corundem, de quibus nunc dicemus.

De Bulla Pij V. & de usu Breuiarij Romani. C A P. II.

Data fuit Bulla Pij V. septimo Idus Iulij 1568. anno tertio, in qua Pontifex multa facit.

1 Primo significat causam edendi huius Breuiarij, neinpe ad tollendam orandi varietatem.

2 Enarrat ea quæ in hac re præstere Paulus & Pius nomine Quarti, & quam ipse adhiberi operam curavit, ex Decreto Concilij Tridentini.

3 Tollit & abolet omnino Breuiarium à Cardinale S. Crucis compositum, quod erat breuissimum; item alia Breuiaria Romana, & alia, quæ ex institutione vel consuetudine legitima non superant ducentos annos.

4 Permittit tamen, ut antiquiora non Romana ducentis annis possint mutari in hoc Breuiarium, ijs omissis, si Episcopus & vniuersum Capitulum consentiant.

5 Reuocat omnes permissions, consuetudines, statuta, priuilegia, licentias, & indulta precandi & piallen-di more & ritu prædictorum Breuiariorum suppressorum.

6 Præcipit obseruari hoc Breuiarium in toto Orbe cum exceptione ducentorum annorum, de quæ suprà.

7 Statuit nihil in eo mutandum, addendum, detrahendum.

8 Obligat quosque qui tenentur Horas Canonicas recitare, ut hoc vtantur Breuiario, alias non satisfacent muneri suo.

9 Iubet omnibus Prælatis, ut hoc intro-

introducunt tam in Choro quam extra Chorum.

10 Tollit obligationē, quae erat sub mortali, recitandi extra Chorum Officium paruum B. Virginis, Defunctorum, Psalmos Pœnitentiales, & Graduales, iuxta Rubricas Breuiarij.

11 Horatur, ut recitentur eadem, propositis Indulgentijs dierum centum recitantibus Officium paruum beatae Virginis & Defunctorum, quinquaginta recitantibus Psalmos Pœnitentiales & Graduales, quando Rubricæ ea præscribant.

12 Non tamen tollit laudabilem consuetudinem, vbi est, recitandi Officium paruum B. Virginis in Choro, imò eamdem confirmat; & tandem tempus decernit obligationis ad usum Breuiarij post eiusdem publicationem. Hæc Pius V.

13 Ex quibus collige Primò: vbi aliquando, omisso proprio & licto Breuiario, receptum est illud Pij V. non potest amplius omisum repeti, *Suar. Tom. 2. de Relig. lib. 4. c. 11. nū. 5.*

14 Habenti privilegium utendi antiquiore Breuiario ducentos annos superante, non est licitum priuatim ut Romano, relicto sua Religionis vel Ecclesiæ proprio, *Bonac. disp. 1. quest. 3. punc. 1. nū. 3.* & putat probabilius; vnde oppositum quoque sustineri potest, & præsertim si raro fiat, *nū. 5.* & nisi præceptum alieni Breuiarij extet, ut Mediolani pro Breuiario Ambrosiano, *nū. 6.*

15 Qui Romæ degit, potest ut Breuiario Romano, *idem ibidem nū. 7.* Monachus tamen non potest ut Romano, quippe qui promisit obseruantiam sua Regulæ, *ibidem ad Tertiam, ex Silvestr. v. Horæ. quest. 1. dicto 6.*

16 Qui alio concedit animo con-

stituendi sibi domicilium, velibi manendi maiore anni parte, tenetur ut Breuiario loci vbi moratur; secùs minimè, *Bonac. nū. 8.*

17 Qui duo habet beneficia in locis vbi diuersa Breuiaria sunt in usu, debet in Choro uti Breuiario loci vbi residet; extra Chorum verò eo uti Breuiario loci, vbi dignius, non pinguis habet beneficium. quod si æqualia sint dignitate, uti potest ad libitum utroque Breuiario, *Silvestr. loco cit.*

18 Qui in una Ecclesia habet beneficium, & in altera Diœcesi habet domicilium, vbi Breuiarium est diuersum, tenetur adhibere Breuiarium domicilij, *Suar. nū. 6. loco cit. cōtra quem alij putant præualere Breuiarium beneficij, cùm ex eo insurgat obligatio Officij, S. Thom. quodl. 6. artic. 8.*

19 Non potest Episcopus cum aliquo dispensare, ut, relicto proprio Breuiario, reciter Officium iuxta formam alterius Breuiarij, *Bonac. nū. 19.*

20 Potest Episcopus curare ut Breuiarium Romanum recipiat, ut in Bulla dictum est; & vniuersum Capitulum consentire debet, id est in unum locum coactum, & congregatum; non tamen omnium & singulorum consensus est necessarius, *Suar. cap. 11. nū. 4. ad fin.*

21 Nihil addi posse iussit Pius Breuiario, hoc est tamquam partem Officij notabilis; si quid modicum addatur ex deuotione, non peccatur contra Bullam, *Bonac. nū. 21.*

22 Edita vero hac Bulla Pij V. cessavit omnis antiqua facultas Episcoporum circa Feforum Officia, quam habebant ex sacris Canonibus Archiepiscopi & Episcopi, quos refert *Quaranta in Suamar. Bullarij verbo, Archiepiscopu. nū. 23.* vbi idem

16 Comment. in Rubr. Breuiarij. Sect. II. Cap. II.

idem docet , attendendam esse nunc Pij V. Bullam , in qua prohibetur omnis additio seu mutatio Breuiarij Romani reformati , & postea recogniti à Clemente VIII.

23 Cessauerunt etiam consuetudines quæcu[m]que & privilegia Sedi Apostolice contra nouum Breuiarium , quod innuimus *suprà num. 3. & 5.* Vnde non potuerunt retineri Officia recitata ante Pium V. sine licentia Sedis Apostolice ; quia retinere Officia abrogata , est idem ac , addere Breuiario Pij V. seu mutare Officium in Breuiario quotidie præscriptum.

24 Et hic est sensus eorum verborum Decreti 8. Aprilis 1628. renouati , locupletati , & nunc impressi in Breuiario ; nimurum , *Non posse , neque posse locorum Ordinarios addere Calendarijs , etiam proprijs , Sanctorum Officijs , nisi ea dumtaxat , quæ Breuiarij Romani Rubricis , vel sacra Rituum Congregacionis seu Sedi Apostolica licentia conceduntur* ; hoc est , non potuerunt addere post publicatam Bullam Pij V. quod poterant ante illam.

25 Neque potuerunt idem Ordinarij , neque possunt (quod habet in eodem Decreto) eadem de causa mutare ritum in altiorem , puta de simpli in semiduplicem , vel dupl[icem] , propria auctoritate , licet causa videretur iusta : non enim sufficit causa legitima ; sed est necessaria quoque Sedi Apostolice auctoritas , vel Sacrae Congregationis Rituum licentia .

26 Et hinc sequitur , quod sine predicta facultate non potest fieri Officium , eo quia deuotio populi adest , seu votum .

Neque , quia Clerus consensit in Diocesana Synodo .

Neque , quia voluntas testatorum

legato proprio iussit Officium de Sancto , quod non est in Calendario .

Neque , quia titulus est Cappella , seu Altaris .

Neque , quia ille Sanctus Archiepiscopus est Provincia , vel Episcopus loci , vel titularis Ecclesiae matricis , respectu Officij totius Cleri .

Neque , quia ortus ibi , aut martyrium ibi sit passus , vel ibidem obierit Confessor .

Neque , quia translatio est Reliquiarum .

Neque , quia vnti sunt redditus aliquius Ecclesiaz , vel vuita ipsa Ecclesia alteri .

Nec eo , quia titulus est praebenda Canonicalis , aut dignitatis .

Neque , quia in aliquo loco celebrata est aliquando à Papa alicuius Sancti canonizatio .

Nec eo , quia conformare se debent Ecclesiaz minores matrici , seu Cathedrali .

Neque , quia Festum populi est de præcepto , vel consuetudine , quod potest esse sine Officio ; vt Romæ Festum S. Rochi .

Neque , quia habetur in ciuitate , seu loco , Abbatialis , vel Regulatis , vel Parochialis Ecclesia .

Neque , quia pensionem quis habet super aliquam Ecclesiam .

Neque , quoad Regulares , quia vivunt sub Regula Sancti , à quo tamen non pendent in propria origine .

Neque eo , quia communicationem habet unus Ordo Priuilegiorum alterius Ordinis : quæ communicatio non extédi debet ad Officia seu Festa Sanctorum : non ad omnia , quod non fit ; nec ad aliqua , cum non sit maior ratio de uno Feto , seu Officio , quam de alio celebrando . Et ratio prædictorum est , quia

quia in Rubricis Pij V. nulla fuit neque est certa lex de his Officijs; & licet iusta in aliquibus sit causa, petenda tamen est licentia omittendi Officium tali die in Breuiario præscriptum, vt aliud de prædictis recitetur.

27 Dices: In Rubricis habentur ſæpius hæc verba, vt tit. 1. num. 1. tit. 2. num. 1. & alibi, Festa Sanctorum illorum quæ consuerunt celebrari: ergo concedit Pius V. retineri adhuc consuetudines. Respondeo, Quod ſic ſe habet textus, celebrari consuerunt solemniter, vel ſolemnissimè: tum quia alioquin Pius V. ſibi eſſet contrarius, ſi in Rubricis concederet consuetudines quas abrogauit in Bulla; non enim abrogauit consuetudines ſolemnies quas concedit in Rubricis: tum quia verè concessit retineri Festa Sanctorum in locis proprijs, non autem quæcumque Festa, ſed ſolemnitate celebrata.

28 Dices adhuc: In ijsdem Rubricis tit. 7. num. 4. habentur præcisè ſine aduerbio hæc verba, consuevit celebrari, & tit. 5. num. 1. consuetum celebrari; ergo ſufficit consuetudo ſimpliciter, non ſolemnis. Sed facile respondeo, posteriores textus pendere a prioribus; & in eodem ſenu accipiendi ſunt ut priores, qui addunt aduerbiū ſolemnitate, ne pugnent inuicem ipsamēt Rubricæ, priores & posteriores.

29 Quid eſt, aīs, ſolemnitate? Respondeo Cleri ſæcularis ſignificat festiuitatem aut populi, aut Cleri cum pompa exteriori, puta Proceſſione, apparatu, concurſu, & huiusmodi. & ita declarauit ſacra-Rituum Congregatio die 28 Auguſti 1628. respectu verò Regularium & Congregationum ſignificat ſingularem quemdam cultum, non communem alijs Festis de Calendario: quæ ratio cum non in omnibus

Festis in Hispania celebratis aderet, recurrerunt eæ Ecclesiæ ad Gregorium XIII. anno 1573. & obtinuerunt, poſſe retinere Festa ciuium, Reliquiarum inſignium, & alia eiusmodi. quod & tandem præſtitere ferè omnes Ecclesiæ Italiae, post Decretum præfatum 8. Aprilis 1628. editum: quibus ſacra Rituum Congregatio multa confeſſit rationabilia, & eſt parata alijs concedere ſimilia.

30 Postremò reſtat dubium: An Per Bullam Pij V. derogetur Bullis Canonizationum Sanctorum, in quibus vi-identur Pontifices dare facultatem reci-rädi Officiū de Canonizato in die mor-tis eius ſolemnitate, ad formam in Ru-bricis Breuiarij Romani præscriptam.

Verū patet omnibus, quod de omnibus Canonizatis non fit Officium ab omnibus. Deinde ex Rubricis Breuiarij non appetet de unoquoque Canonizato, an ſimplex, ſemiduplex, duplex Officium fieri debet; & eitne-cessarium nouum Decretum de ritu quo fieri debet Officium. quod ex-preſſe decreuit ſacra Rituum Congre-gatio die 9. Decembris 1628. de hoc ipſo caſu interrogata. Vel dicerem, loqui Pontifices copulatiuē, (&) vna cum ædificio Ecclesiārum, de quo in Bulla, fieri poſſe Officium ſolemne, tamquam de Titulari Ecclesiā, quod habetur in Rubricis Breuiarij, hoc eſt primæ classis cum Octaua.

De Bullis Clementis VIII.

& Urbani VII.

C A P. I I I.

EDITA fuit à Clemente VIII.
Bulla die decima Maii 1602.
anno undecimo, & in ea ha-bentur pauca.

C

I. Ac-